

AHAD 13/04/2014

# Dialek Terengganu tidak terancam

**KUALA NERUS** – Bahasa sukuan dan dialek di Terengganu dan negeri lain di semenanjung tidak menerima ancaman seperti dialami bahasa sukuan Borneo membabitkan Sarawak, Sabah serta Brunei.

Pensyarah Dialektologi dan Linguistik Sejarah, Universiti Kebangsaan Malaysia (UKM), Profesor Madya Dr Rahim Aman berkata, bahasa sukuan dan dialek di semenanjung masih dituturkan masyarakat tempatan.

"Bagaimanapun, bahasa sukuan Narom di Marudi, Sarawak menerima ancaman paling kritikal kerana hanya tinggal 10 orang yang masih bertutur menggunakan bahasa berkenaan.

Berdasarkan kajian dilakukan, kepupusan bahasa sukuan atau daerah di sesebuah kawasan disebabkan pelbagai



Sebilangan peserta terlibat dalam Program Melestarikan Bahasa Sukuhan dan Bahasa Daerah anjuran Unesco dengan DBP di Laman Budaya Inap Desa Teluk Ketapang, Kuala Terengganu.

faktor antaranya perkahwinan campur, generasi muda yang bersekolah di kawasan bandar dan paling ketara adalah disebabkan malu untuk bertutur dalam bahasa ibunda.

"Perkara ini sangat mem-

bimbangkan kerana ia boleh memberi kesan kepada warisan dan jati diri sesebuah kawasan berikutan pertuturan dalam bahasa ibunda merupakan perkara perlu dipelihara," katanya.

Beliau berkata demikian pada Program Melestarikan Bahasa Sukuhan dan Bahasa Daerah di pekarangan Laman Budaya Inap Desa Teluk Ketapang, di sini.

Menurut Rahim, baha-

sa Mirik di Sarawak turut mengalami kepupusan kerana hanya 20 peratus daripada 6,000 penduduknya bertutur bahasa berkenaan.

"Meskipun kedudukan kawasan berkenaan (sukuan

Mirik) hanya 10 kilometer dari bandar Miri, namun disebabkan ramai tidak menggunakaninya, maka bahasa berkenaan semakin dilupakan.

Namun, beliau memuji langkah diambil Suruhanjaya Kebangsaan Unesco Malaysia di bawah Kementerian Pendidikan Malaysia dengan kerjasama Dewan Bahasa dan Pustaka (DBP) yang memperkenalkan program melestarikan bahasa sukuan dan daerah bagi memelihara bahasa ibunda daripada terus pupus.

Program perintis itu membabitkan 30 peserta dari Universiti Malaysia Terengganu (UMT), Universiti Sultan Zainal Abidin (Unisza) dan Kolej Komuniti Kuala Terengganu, di mana Terengganu dipilih sebagai lokasi pertama pelaksanaan program berkenaan.